



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<11>> մայիս 2021թ.

Ո Ր Ո Շ ՈՒ Մ No. 286-1-Ա

վարչական ակտն ուժը կորցրած ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Արման Մնացականյանս, քննարկելով ֆիզիկական անձ Դավիդ Նիկոլի Բաբայան-Երևանցու վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն 08.02.2021թ. հարկային պարտավորությունների հաշվարկման վերաբերյալ թիվ 209/2021/ԿՈԻՎ4/Ն տեղեկանքի՝ ֆիզիկական անձ Դավիդ Նիկոլի Բաբայան-Երևանցու (ՀՎՀՀ՝ 37470918, ԾԾՀ՝ 3808400234, հասցե՝ ք. Երևան, Եկմայան փ., 1/1 շ., 21 բն.) չկատարված հարկային պարտավորությունը 08.02.2021թ. դրությամբ կազմում է 4.364.533 դրամ, որից ապառք՝ 3.139.500 դրամ, տույժ՝ 1.225.033 դրամ, որը հաշվարկվել է ֆիզիկական անձի կողմից 2018թ. ձեռնարկատիրական գործունեության առարկա համարվող գույքի օտարման գործարքի իրականացման արդյունքում՝ ՀՀ հարկային օրենսգրքի (այսուհետ՝ Օրենսգրք) 150-րդ հոդվածի 10-րդ մասով և 401-րդ հոդվածով սահմանված կարգով:

Վերոնշյալ պարտավորությունը գանձելու վերաբերյալ 25.02.2021թ. կայացվել է թիվ 286-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, Օրենսգրքի 156-րդ հոդվածի 4-րդ մասի 2-րդ կետի համաձայն՝ պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53-րդ հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ թիվ 286-Ա որոշման կայացումից հետո ֆիզիկական անձ Դավիդ Նիկոլի Բաբայան-Երևանցու կողմից ներկայացվել է եկամտային հարկի և սոցիալական վճարի 2018թ. տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ թիվ 209/2021/ԿՈԻՎ4/Ն տեղեկանքի հիման վրա կայացված թիվ 286-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

Ո Ր Ո Շ Ե Ց Ի

Ֆիզիկական անձ Դավիդ Նիկոլի Բաբայան-Երևանցու վերաբերյալ ՀՀ ՊԵԿ իրավաբանական վարչության պետի կողմից 25.02.2021թ. կայացված թիվ 286-Ա որոշումը ճանաչել ուժը կորցրած:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ՄՆԱՑԱԿԱՆՅԱՆ

Կատարող՝

Իրավաբանական վարչության հարկադիր գանձման և
պարտավորությունների կատարման ապահովման բաժին
Լուսինե Զաղացպանյան
հեռ.՝ 011-549-191 (9168)



**ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ**

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am